



國朝寶鑑
二十二

英宗朝
四

共二十八

U 6
3059
22





國朝寶鑑卷之六十六

英宗朝十



甲申四十年春正月 上御崇政門行朝參為
 文以諭羣工曰否德纘承四十年年又望八
 今日朝參豈為觀瞻咨我大小臣工體四十
 年苦心與歲俱新精白一心輔我暮政又以
 勸農蠶勤凋賑飭諭諸道命逮事 先朝甲
 午諸臣加資○命給故縣監李顯弼職牒先
 是顯弼應舉對策欲沽直以取科語多爽實
 文亦違格臺臣論削其科至是 上設人日

國朝實錄卷之六十六
製策士無一言及於袞闕者 上乃教曰近者策問無勁直之言者一自李顯弼始噫無若丹朱之言舜受之內多愆外施仁義之言漢帝只謂其戇顯弼對策意雖不美因臺請處分過故士氣由此沮抑此政烏鳶破卵鳳凰不至者也李顯弼特為給牒以示予自強之意○命抄守宰之十考十上者作帖以進名曰續代柱帖遵 肅廟故事也○臺臣以沿江把守之不嚴上疏請點視軍卒分守要路 上曰每念戌卒若寒在已前者雖難減

後弊豈忍啓且邊禁之嚴不在軍卒之多也○二月 上與宗親文武二品以上年七十入行大射禮於建明門 上發乘矢連獲二矢命撤熊帷藏六一閣御射弓矢藏于靈壽閣更設麋帷命者臣射之獲者賞不獲者罰如儀○親耕藉田先是歲初禮曹以親祭先農及親耕等禮啓稟 上曰昨年穡事又不若意年雖望八何辭五推先農祭依癸酉年例攝行親耕依例舉行至是行親耕禮還御觀耕臺賜庶民勞酒又賜饌于從耕官乃教

臣等竊以
曰昨行大射今行親耕庶復見太古儀禮而不命賀效衛武公九十箴警之意明日令侍從臣製箴以進○命以王世孫為孝章世子嗣以承宗統告廟頒赦上詣昌德宮謁璿源殿退御齋殿王世孫侍焉命時原任大臣二品以上三司進前教曰予為宗國已奏真殿矣仍以所奏之文示諸臣其略曰臣有二世子孝章為兄使冲子嗣孝章順承長統義理當然茲事今不端本此後更有邪辭恠說亂我邦國者於為世臣之道何哉茲事

雖宋范鎮之忠其言誠難辛丑建儲代理已有國朝故事而亦驅於無臣節之科况此事乎雖於他日有所請若曰有二世子而皆早世故隨長以繼云爾則其可有辭今不為此若有意意外之事於宗國何於小子何此非詢問於下者亦非博古例者故與東宮行禮特召大臣二品以上三司於真殿門外宣諭此意以冲子今上御諱為孝章之嗣先就譜略以孝章與冲子連書嗣字自此以後宗統無中絕之歎海東有磐石之固亦使冲子於思悼廟

盡所生之道則於冲子庶可無憾而杜後弊
保世臣其亦兩得奏及於此涕沾于衫矣大
臣諸臣奉覽訖齊聲曰國之重事斷自宸衷
在下者何敢容議乎 上仍謂世孫曰日後
諸臣或有以此為言者是乎非乎對曰非也
上曰君子乎小人乎對曰小人也 上顧史
官曰爾等詳記之遂命以所奏文藏于史閣
且以為頒教文明日 上率王世孫拜毓祥
宮歷臨彰義宮命世孫行禮仍命書譜牒曰
某年某月日以王世孫特命嗣孝章世子遂

下于宗簿寺以此修錄譜牒既還宮引見大
臣備堂 王世孫亦侍焉 上親為文諭世
孫略曰因此日後若有邪說闖起此非徒亂
我宗統予何顏歸拜 列祖此後如有更提
此事者此無父無君之逆臣也將予此意置
諸重律非導汝以殺也即仁人放流之不與
同中國也仍令史官書諸青史政院頒布朝
紙○上率王世孫歷臨王署宣饌書賜雲從
一堂世孫侍傍特賜魚物仍命勿謝四句顧
世孫教曰於予稽古者王堂也於汝稽古者

國朝寶鑑卷之六十六
春坊也汝亦歷入春坊講論文義也○命立
安平大君瑢後奉其祀○三月命咸鏡道南
北帥臣各薦武士一人○教曰邊禁之嚴在
人不在銃嗟北之民不能漁獵何以為生况
歲銃於家使朔方健兒不習武技非計之得
也其令除禁○命童蒙教官率童蒙入侍
王世孫質問文義 上曰程子請以大夫士
之俊秀者與太子同遊此是今世行不得者
然予之為此略倣此意也仍賜童蒙賞有差
○上行晝講台見赴舉守令諭曰爾等來京

之後亦能念其民之饑與寒否高麗恭愍王
無子 高皇教曰王若愛民必有王子王者
愛民其效若此况守宰乎不然而忘其民雖
赴舉無所益也○夏四月命文純公朴世采
從祀文廟○五月 上親製祖訓以授王世
孫曰書中勸學章最是得意作是必 陟降
為世孫起予而作此文也嘗因文義以天體
問于世孫世孫對曰天體日夜周行于地體
之外如雞子之白包黃也 上曰天日夜周
行無暫停息人君亦當法天也又嘗問堯與

舜孰賢對曰豈敢論聖人等品乎 上曰以中庸言之何地位乎對曰無聲無臭地位也 ○六月命翟衣命服國中織造之緞並禁其紋 ○秋八月 上將謁明陵世孫力請祗迎於郊外 上嘉其誠而許之及回鑾 上入世孫幕次執世孫手喜動天顏親書四言四句命即席賡進又命隨駕諸臣賡進蓋志喜也 ○冬十月飭士大夫親迎禮因講詩之齊風而興感也 ○移長湍防禦營於坡州以坡州在長江天塹之內也

節目臨津一帶即坡州右之第一關阨故前

既設關於臨津繼以築墩於長山而令又以長湍防禦移設於坡州略倣水原之例劃給新屯專備軍需長湍亦三道要衝仍兼營將討捕使作為前營隔江分守以成犄角之勢則壯關防備不虞之策於分守以完備行條件列錄于左一圻右八邑分而為二高陽交河積城屬之坡州朔寧麻田連川屬之長湍而長湍兼營將凡干事例一依南陽例施行一凡係軍務之管於摠廳者就議本廳管於本道者就議巡管或有警急則宜為啓聞春秋巡歷時屬邑守令之犯軍律從事一依他堂下杖以下自斷臨亂則軍律從事一依他節制於防禦使一臨津長山兩鎮別將依前所管三營今為四營之制春秋習操後摠戎廳所營輪回舉行一習操停止之時巡點等事防禦使及營將各其所屬邑舉行一各邑兼營將凡節一依南陽例施行一體貌管下各邑兼營將印信各一顆令該曹造送一防禦使帶率軍

官依續典定以三負營吏等負役依他防營
 例定給一防營中軍以有履歷者自望擇差
 一防禦使帶率軍官及中軍料米與奴馬料
 太依他防營例以常賑耗會減一既設防營
 之後馬兵軍制中不可無者別驍士二哨設
 置兩身年壯健武藝閑習者各別抄擇以定
 每年一次試居首一入直赴殿試後修報摠
 廳更為都試行一防營諸將校久勤遷轉及五
 水原例施行等事依前例施行長端將
 十朔仕滿陞付等事依前例施行長端將
 技久勤一依南陽例施行一坡州既名防
 營到任時及往來乘駟與左防營之水原不
 可異同沿路供饋軍務稟報一依水原例舉
 行一防營軍摠定以二部四司以為一營之
 制而高陽交河積城所二部四司以為一營之
 本州所在各軍門各衙門納米布軍及各處
 一山直等難名色額
 一併派定充額

乙酉

四十年春正月 上率王世孫祗迎祈
 命罷臘日生兔貢

穀祭香於崇賢門所以示重農之意也是夜
 步輿詣紫極門望社壇行禮禮畢乃還○大
 臣禮堂以 聖壽望八請設宴陳賀 上不
 許 王世孫手寫上疏以進 上手書答曰
 省爾懇諒爾情爾今夙成有此舉措海東庶
 幾乎無虞矣噫一隅青丘租依於孫孫依於
 祖今覽爾章豈忍邁邁而予意一則慕 先
 一則為冲子今者此章可代百酌爾既手草
 予亦手答垂千百載豈不逾於稱觴四百年
 宗國惟依於爾勤學修德不墜 先烈使爾

國朝寶鑑卷之六
祖之心有辭後世其孝之大宜體此仍命都
承旨往諭 世孫世孫以不得伸誠禮憫鬱
廢膳者凡四時羣臣皆感泣 上憂念不已
勉從之遂以上元日受賀頒教停諸道方物
只許封箋○上行夕講 王世孫侍焉命講
書之武成 上問曰何以則為堯舜垂拱之
治也 世孫對曰在為與不為耳 上曰何
以則可為也對曰堯舜之道孝悌而已 上
稱善○閏二月 上率大臣備局堂上至南
郊省耕臺省耕助畿民種糧命入直儒臣往

察西郊耕播○命八道道臣守令製進民隱
詩親製小序并于帖因周史採國風之事而
命之也○三月 上率王世孫行酌獻禮於
文廟教曰欲使世孫知重聖廟之意也○夏
四月 上率王世孫行太廟夏享命做大明
集禮自今行眡明水省牲鑊之禮○五月景
福宮衛將得一石函於舊闕之傍以進 上
覽之即封胎石函而石面刻曰王子乙巳五
月日寅時生 上乃教曰國初獻陵四方石
聖祖改作兩片國陵誌石予於丁丑仰體儉

德以磁代之莫重之處猶然况其次乎藏胎之弊予知熟矣以古例為難更今於舊闕得藏胎石函此中葉以後事也自今藏胎必於御苑潔淨處以陶缸埋之載于儀曹定為式○上與王世孫行禋祭香祇迎禮教曰唐宗觀刈御苑有遇物之誨周公七月篇亦欲使成王知稼穡艱難今予命世孫行之者亦重民農之意也○上行次對 王世孫侍焉上曰昔漢光武聞明帝河南南陽之對甚竒之予今以忠州逋負吏事問于世孫欲觀其

答也仍問世孫曰諸臣以為王法不可屈國儲不可縮其言是否對曰十數官吏之傳生此天地好生之大德豈徵捧舊逋之比乎上曰昔魯君必欲加賦而孔門弟子必欲蠲稅君憂經費臣務薄斂何也對曰民依於國國依於民故曰百姓足君誰與不足也 上曰如何可以富民也對曰君仁而愛民民可使富也復問愛民之道對曰不為無益之事以奪民時也 上稱善遂命盡減諸道舊逋○秋八月 上率王世孫至靈壽閣召耆社

諸臣宣饌使各陳其年紀教曰卿等各以其
年獻于世孫也於是諸耆臣就世孫前拜
獻其年天笑為新盡歡而罷○九月命印麗
陵禁標受教分藏五史庫頒于開城江華京
畿營禁民耕葬如有犯者並地方官科罪○
冬十月上御景賢堂受爵初以乙酉為國
初復都漢陽之年遣春秋堂郎考實錄於江
華則太宗五年乙酉九月初十日設宴為
壽於太上殿十一月二十日又壽二十一
日又壽然大臣以下因聖心過執撝謙未

即援舊例請宴王世孫乃上疏有朝臣寥
寥之語宮僚請曰諸臣必為之惶悚也世
孫曰此可見余意也遂不改上以手書答
曰予之為國心喜者有三一則爾之丹忠一
則文理夙成一則主鬯有托宜即許也而憶
昔奉歡萬念都冷顧今國勢玉食靡甘况仁
愛提命在於此際懍惕架切豈敢曰復膳小
弛于中抑情休請使望八爾祖安寢便食於
是王世孫凡五疏陳請至於廢膳大臣率
卿宰賓啓又率百官庭請上不得已勉從

國朝寶鑑卷之二十六
太祖大王誕彌之日行受爵之禮饌用五品獻用茶飲樂用雅音世孫宗親大臣九卿儀賓各進一爵上親製戒太康樂章命樂工歌之賜米肉於奉老諸臣歸各壽其老○命贖故相臣金宗瑞舊第還其後孫用贖還魏徵第故事也○十二月王世孫有疾彌久上憂甚曰奈宗社何遂即世孫所居之室隔障以御焉教曰予於十二歲無所讀書世孫則讀書已多故聞讀書聲常喜之也每當書筵日親行召對使世孫聽之講

罷必問左右曰世孫以為喜否對曰喜也上亦喜○命設櫝於三聖廟仍致祭先是成宗朝建三聖廟於九月山位版以土造成年久毀傷禮曹判書沈鏞以奏上召副提學徐命膺問三聖故蹟命膺具以對曰三聖即桓因桓雄檀君也九月山即史所稱阿斯達山也且言高句麗東明王開國在於乙酉年上遂遣禮官以木為櫝於三聖位版仍命致祭於三聖及東明王廟

丙戌四十二年春正月下綸音于八道兩都飭

國朝通志卷之六十六
勸農命宗臣年七十人加資者民年過百歲者各給衣資食物尋命加資○命大司成率大學儒生入侍令該曹賜米肉以助歲初供士之需○御製小學指南成命芸閣鈐印頒賜諸臣分送南北漢繡梓以壽其傳○命忠烈公宋象賢祠版親盡不祧用故相臣李廷龜待以功臣之例也○三月以上侯平復告廟頒赦時 王世孫患侯平復陳賀以聖侯未寧久未行之至是亦同設行特命蕩減貢人舊遺在米二千石○夏五月命賜家舍

奴婢于故新豐府院君張維後孫以勲戚家零替也○上御經筵重講小學 王世孫侍焉三公及童蒙教官率童蒙亦入侍 上講小學題辭教曰予錯一字矣復誦全篇曰今日復行小學童子事也仍命 王世孫講一章三公以下各講一章討論文義然後命童蒙進前講小學首章以惠侯平復後初開講筵命三公知事特進官各錫馬王堂上下番禮房承旨加資史官陞叙○命入直宣傳官入侍講兵學指南教曰武臣之無勢者講誦

國朝實錄卷之六十六
十三
無滯其膏粱之類不能爲是豈設能麼兒講
之意哉其不能者盡誦陣法後替直○上與
王世孫行名對講小學王堂春坊並侍焉
上問世孫曰灑掃應對何以爲治平之本也
對曰灑掃小學事也治平大學事也盡小學
之事則可以爲本於治平矣又問習與智長
者何也對曰幼而習慣漸就純熟可無扞格
之患也又問子在母腹何以爲教對曰妊子
者之動靜皆善則所妊子亦感而善矣 上
悅曰今月即子就傅之月也而七十三歲與

十五歲冲子復講小學豈偶然哉命入侍承
旨王堂春坊翰注各賜弦弓○六月渡海倭
譯玄泰翼等遇風船破與從行近百人俱滄
沒 上聞之惻然教曰衣冠之人以王事至
於此間甚慘然恤典舉行或有親在者特給
食物其子令該院待闋服調用其餘同騎人
令京外恤典舉行其妻孥亦爲顧恤噫一夫
不獲所伊尹恥之差倭六人同截魚腹亦甚
惻然特給恤典於守倭處使之傳給其妻孥
仍命東萊府設壇海邊賜祭以慰孤魂差負

國朝實錄卷之六十六
十一
統制使並投畀○秋八月行進宴教曰元良
六朔後陪宴亦稀有之事春桂坊官負其令
一體陞殿宴罷命八道最久逋計石均減貢
人舊遺在依已卯例蕩滌市民朔稅亦令裁
減士族年八十庶民年九十以上並加資宗
親文武年七十以上食物題給○教曰王世
孫之德器成就即南有容朴聖源教導之力
也並特加一資○教曰君臣一堂同禮而使
此輩困窮非所謂與民同樂之意也况昔年
何惜肌膚之教敢不繼述乎遂命漢城府抄

啓四民及庶民耆老 上御興化門 王世
孫侍焉招入四民賜米有差又命承旨賜庶
民耆老宴於通衢與宴羣老各自飫飽齊到
闕外拜祝蹈舞 上命羣老依五禮儀杖而
入賜管絃以歸其家○九月有雷異 上命
減膳三日政院啓曰應天必以實心憂民必
究實惠塞尾閭以支經用愛嚙笑以杜僥倖
培元氣而來讜言慎辭令而懋公正無規規
於細微無泄泄於時日豈非轉災為祥之一
大機會耶 上答曰登時匡救心庸嘉之何

敢曰表不自勉焉弘文館亦上劄陳戒優批
答之

丁亥四十二年春正月下綸音于八道兩都飭
勸農○二月命自今雩祀六神皆加氏字以
為式初雩祀祝式六神皆不稱氏獨於司寒
祭祝稱玄冥氏至是 上祇迎雩祀香聞其
異例有是命○上聞王世孫書筵已講畢詩
之豳風遂命同設經筵書筵於景賢堂玉堂
春坊並入侍 上講小學世孫講豳風 上
復講豳風七月謂世孫曰萬壽無疆予為汝

祝之以報汝孝子篤至之誠也○上率王世

孫親耕藉田初 上因周禮之文命禮曹撰

具獻種儀前一日 王妃獻種如儀

一日高寢帥其屬設殿下座於便殿北壁少
東王妃座於殿內北壁少西俱南向設香案
二於殿外左右設惠嬪拜位於前庭道西王
世孫拜位於道東少南王世孫嬪拜位於惠
嬪位之後命婦拜位於其後並東上異位於
行俱北向其日尚功以青箱盛穀種置於案
先設於殿東少南前三刻命婦各具禮服集
到前二刻惠嬪具禮服前引入就位王
世孫具翼善冠袞龍袍前引入就位王
世孫嬪具翼善冠袞龍袍前引入就位王
婦入就位時至尚儀跪啟請中嚴少頃又啟
外辦殿下具翼善冠袞龍袍尚宮前導以出
陞座王妃具禮服尚宮前導以出陞座爐烟
升織扇侍衛如常儀儀仗因傳教勿陞設司贊

日四拜典贊唱鞠躬四拜興平身凡典贊之
 唱皆承司贊之辭後倣此惠嬪王世孫王世
 孫嬪以下命婦鞠躬四拜興平身尚躬奉籍
 跪進于王妃座前王妃降座典贊唱跪尚宮
 跪啓請跪王妃跪受臨時設案以授尚儀尚
 儀跪受奉獻于殿前殿下跪受臨時設案以
 尚儀尚宮跪啓請跪出殿下跪受臨時設案以
 儀傳于內侍內侍跪受傳于承旨承旨跪受
 傳于耕籍使耕籍使跪受以授耕田令尚儀
 復命司贊曰四拜典贊唱鞠躬四拜興平身
 惠嬪王世孫王世孫嬪以下命婦鞠躬四拜
 典贊唱跪尚宮跪啓請跪出殿下跪受臨時
 亦唱殿下降座王妃降座還內守閨典賓各
 引惠嬪以下命婦出
 其日 上與王世孫詣
 東藉 上五推 世孫七推宗室大臣冢宰
 以下皆九推命守令邊將之上京者列立田

畔使之觀瞻歸以勸農越三日 上與世孫
 幸南郊之省耕臺命世孫躬進田畔問農作
 之節察勞苦之狀仍下諭八道使農民有無
 相濟通功易事又教曰親耕東郊省耕南郊
 豈為觀瞻效古人春省耕補不足之意也目
 今春耕方張令諸道助其種糧飭其懶惰噫
 以千乘之尊躬履田土誠為民也伊尹諸葛
 猶躬耕不敢自便故相金墉田畔讀書位至
 大拜不然何能為民設大同乎昔之敬姜為
 文伯之母其猶績焉而今外方遊衣遊食之

國朝實錄卷之六十一
 十六

民夫不耕妻不蠶是豈敬姜教其子之意乎
○三月 王妃始行親蠶禮先是親蠶禮不
載於五禮儀國朝惟 成宗朝三行此禮
中宗朝再行 宣祖朝一行而文蹟散軼無
徵至是命春秋堂郎考 三朝實錄於江華
叅以大明集禮 上親自折衷教曰望八與
冲子親耕內殿親蠶宜遵禮文五禮儀所無
者今當義起至於朝臣命婦昔年戊辰 慈
懿大妃進宴亦無入叅之例今不可論惠嬪
世孫嬪諸翁主郡主王孫婦入叅子曰樂云

樂云鐘鼓云乎哉昔有選上妓今行闕中樂
一節置之依 中廟朝禮景福宮御苑設兩
壇一則設壝門內殿行親祭其下壇依觀耕
臺例內殿率內外命婦採桑先一日內殿與
惠嬪宮內外命婦先詣景福宮齋宿一依皇
朝故事內殿皆行三獻禮儀使以下諸執事
依古例以女官為之進幣瓚爵官奠幣瓚爵
官薦俎官自內填差以此分付又教曰親蠶
禮以三月上巳日舉行十一日西陵氏傳香
先行於崇賢門內內殿惠嬪世孫嬪內外命

婦隨行祝文頭辭以朝鮮國王妃某氏為稱

於是親蠶前一日王妃詣景福宮享先蠶

仍行採桑禮如儀親蠶儀其日尚寢設王妃

向設惠嫔王世孫採桑位於壇上小東東

北向俱異位重行西上設執功於壇下近南

於惠嫔位之西小南西上設功於壇下近南

筐又於壇上設執功於壇下近南

桑位之北稍東南向西上執蠶以王製執

者侍於各位之後女史一人執蠶一人執蠶

尚傳尚獻禮受以授執蠶及一應養蠶器物授

妃行酌其服尚記奉實俱在酌獻儀尚候採

下各服其儀尚記奉實俱在酌獻儀尚候採

桑時至尚儀尚記奉實俱在酌獻儀尚候採

賓引惠嫔王世孫及採桑內外命婦各服其

禮王世孫及採桑內外命婦各服其

請壇下位諸執鉤筐者各就位尚宮前導詣

桑壇自北陞就位典實引尚功典製詣桑位西

陞自北陞就位典實引尚功典製詣桑位西

向立尚功桑王妃以進王受鉤桑王受鉤桑王

筐進以受功桑王妃以進王受鉤桑王受鉤桑王

尚功受鉤桑王妃以進王受鉤桑王受鉤桑王

導王妃就壇南坐觀惠嫔以下採桑初王如

採桑女史各以鉤採桑說典實引惠嫔及採桑

內外命婦各以鉤採桑說典實引惠嫔及採桑

世孫外命婦各以鉤採桑說典實引惠嫔及採桑

受鉤與命執者退復位典實引惠嫔及採桑

及內外命婦還復位典實引惠嫔及採桑

禮尚儀諸王妃前俯伏跪啓禮畢王妃入小
 次改具禮服加首飾出陞座典賓引惠嬪王
 世孫嬪及內外命婦以下改具禮服就拜位
 典贊唱鞠躬四拜興平身惠嬪以下登壇侍坐後贊
 拜興平身典贊引惠嬪以下登壇侍坐後贊
 母等列坐壇下賜食器數依庶民例食畢退
 立尚儀跪啓禮畢王妃以下各還宮前是日
 導入幄次典贊引惠嬪以下各還宮前是日
 上亦幸景福宮 王世孫率百官致詞陳賀
 於勤政殿外庭又陳賀於內庭 上與王妃
 御康寧殿受惠嬪世孫以下朝見禮闕京外
 舊逋○全州城內失火延燒二千三百餘戶
 特給船米二千三百餘石償結錢一萬兩初
 道臣懼火及慶基殿移奉御容於鄉校 上

聞之立命宗伯之臣馳往告由還安○夏四

月 王妃始行受繭禮王妃受繭儀前一

座於便殿北壁少東王妃座於殿內北壁少
 西俱南向設香案二於殿外左右設惠嬪拜
 位於前庭道西王世孫拜位於後命婦拜位於
 世孫嬪拜位於惠嬪位之後命婦拜位於其
 後並東上異位重行俱北向其日尚功以竹
 箱盛繭置於案先設於殿東少南前三刻命
 婦各具禮服於案先設於殿東少南前三刻命
 前引入就位王世孫具翼善冠袞龍袍典賓
 前引入就位王世孫具翼善冠袞龍袍典賓
 就位典賓引命婦入就位王世孫具翼善冠袞
 中嚴前少頃又啓外辦殿下具翼善冠袞龍袍
 尚宮前少頃又啓外辦殿下具翼善冠袞龍袍
 以出陞座爐烟升殿下具翼善冠袞龍袍
 傳教勿設司贊日四拜典贊唱鞠躬四拜興
 平身凡典贊之唱皆承司贊之辭後四拜興
 嬪王世孫王世孫嬪以下命婦辭後四拜興

平身尚功奉箱詣殿下座前殿下立尚功奉
示後詣王妃座前進之王妃立受以授尚儀
尚儀跪受以授尚服殿下陞座王妃陞座司
贊曰四拜典贊唱鞠躬四拜與平身惠嬪王
世孫王世孫嬪以下命婦鞠躬四拜與平身
尚儀進當座前俯伏跪啓禮畢典贊亦唱殿
下嬪王世孫王世孫嬪以下命婦各引頌繭

于政府樞府宗親都尉禮戶判政院王堂入
侍史官藥房提調兩都留守八道道臣廣州
府尹揚州牧使諸臣皆進箋謝是年秋上
親行釋奠還語大臣曰今者行禮時冕服大
帶即內殿之親蠶織造者也大臣對曰誠三
代後盛事也○以李璞為知中樞府事璞時

年百歲自鄉召至除是職及謝恩命入侍賜
坐宣饌上問何以消遣對曰時誦小學
上曰老君老臣相與講誦可乎上先誦小
學首章堞繼講特賜表裏宴需以寵之○六
月湖南漕船臭載沈米二萬石道臣遍囚船
格四百餘人狀請照法科罪上命御史徐
命善往查之非故敗也遂下教曰周史不云
乎無烈風揚波否德臨御風調雨順雖不敢
望豈有若頃者之風乎四百船格即予赤子
有犯置法猶可哀矜况聞御史所奏幾千其

國朝寶鑑卷之二十一
族北望呼號若親聞焉各船都沙工以當初
逗遛之罪令道臣刑配其餘沙格並放送仍
命法聖鎮僉使以有資歷者差遣○秋七月
命秩祀白頭山於北嶽初國朝五嶽之祀以
定平之鼻白山為北嶽至是左議政韓翼暮
言白頭山乃是我國之祖宗山而北道又為
國朝發祥之地北嶽祀秩今宜移設於白頭
山也 上下詢大臣奉朝賀俞拓基曰我國
諸山皆發脉於白頭山而山之傍近又是
列聖發祥之地立國近四百年尚未崇祀恐

是闕典且長白山既在鏡吉之界則不以
是為北嶽而乃以自長白南去九百里之鼻
白山定為北嶽者誠未敢知白山之祀臣無
容別議 上從之命咸鏡道臣擇地於甲山
府八十里雲寵堡北望德坪建閣望祀於白
頭山鼻白之祭亦不罷○八月領議政金致
仁奏近年穡事屢登此時儲穀實為先務請
三南軍作米限四萬石措置從之○九月
上與王世孫行文廟酌獻禮 上酌獻于正
位王世孫酌獻于配位禮儀使以下施賞有

差志喜也○冬十一月壬辰冬至下綸音飭
臣工○下諭于西北帥臣勞問把守軍卒○
十二月教曰近見麗史祭儀凡執事官有職
者清齋本司散職者會而清齋此後凡執事
官無論大小祭享受香前一日各於本司及
公廨清齋○命錄用文正公趙光祖文純公
李滉奉祀孫○上率王世孫及大臣國舅設
小酌於德游堂命樂生吹笛而侑歡遵 太
宗朝故事也

國朝寶鑑卷之六十六

國朝寶鑑卷之六十七

英宗朝十一

戊子四十四年春正月下綸音飭大小臣工○
教曰周禮獻民數於王王拜受之顧不重歟
今式年捧單加減其令以聞於是漢城府進
戊子式年戶口之數京五部及八道戶一百
六十七萬九千八百六十五口七百萬六千
二百四十八大抵比 孝宗八年丁酉版籍
戶加一百二萬零口加四百八十萬零休養
生聚於斯為盛云○減江界蓼貢之數教曰

國朝寶鑑卷之六十七
宋以花石綱明以課銀民皆離心豈非鑑戒
處乎蓼產不古蓼價日高東西民難支故關
東蓼既作詳定又作京貢今覽關西伯之章
江民無論男女擁馬垂涕云若親聞覩今欲
減數宜先御供加定三斤特為革除內局猶
然况其他乎陳章中數件條列大臣備堂消
詳回啓登對以奏於是地部京上司年例別
買之蓼裁減者甚多○上聞先正臣趙光祖
祠板自鄉來江郊命戶曹助給家舍之價親
製祭文遣承旨致祭○夏六月命錄用故忠

臣高敬命後初左議政韓翼暮以敬命祠版
親盡當祧請依宋象賢例特許不祧領議政
金致仁以為勲臣則不祧而忠臣無此例也
上是致仁言只命錄用其奉祀孫○命羅里
舖折米二千石以地土船輸送濟州以濟州
歲歉也○秋七月命錄用先正臣金宏弼鄭
汝昌之後○湖南旱蝗命行酺祭教曰姚崇
焚蝗雖為目前揀急盧懷慎之言不無意見
蟲之蝕穀良由否德彼雖微物一號令而多
之此何異於勸人殺人而又以法殺之者乎

此後申飭道臣所拾蟲坎而瘞之勿焚灸○
上御崇政殿月臺召見八十至九十歲人特
許扶杖子弟隨以入 上起立以待之賜米
帛有差○冬十二月大臣禮官以 聖壽請
宴 上曰大臣葬前也何可使我招杜舉之
譏乎蓋是時故領議政尹東度卒未葬也○
耽羅貢柑船滄溺 上命加恤典仍命今年
唐柚子薦新數外勿復封進○命錄用故相
臣鄭某後孫初 端宗朝三大臣雖命復官
而鄭某後孫未知其為誰某尚未舉勲典會

長興鄭姓人爭訟山地自官掘驗其先墓得
誌石二片即鄭光露之墓而光露以某之子
預知時事之艱佯狂匿跡及其歿也其子具
事實埋誌遺戒秘諱來歷至是因誌石始詳
得其世派果某之後也筵臣以為言 上曰
異哉有是命

巳丑 四十五年春正月 上以體候不平命攝
行祈穀祭遂御德游堂終其夜教曰九成之
樂至理存焉凡親享攝行聲之遲速判異其
若忽忽豈有感通雅樂俗樂一併申飭仍下

國朝實錄卷之二十一
綸音于八道兩都飭勸農○蠲關西監兵營
子母錢十餘萬兩大臣以經費難之上曰
孟嘗猶且焚券吾何愛十餘萬緡遂命禁諸
道殖利之弊○命大司成率儒生入侍講十
箴○命宣傳官馳往畿內賑邑察賑政○召
貢市人詢弊瘼凡宮戚家市貨不報者皆罪
之仍削貢市堂上職○上御崇政殿行進宴
諸臣奉觴上壽畢 上愀然曰荒歲受宴無
已太康予思饑民此心何抑今以祝有年三
字為八道民頌焉○夏五月 上幸觀耕臺

觀刈麥遂行受麥禮

殿庭中南向設王世孫侍座於版位之東
西向其中南向設曹判書及耕藉田令俱以
黑團領進詣東藉田令率田民四十名常服
中刈穀訖詣藉田令監視成於青箱二常服
案盛一以供種奉於架次覆青木袂引路
青巾架子軍同先行次架子次藉田令次耕
藉使禮曹判書分期左右詣闕架子由正門入
權置於閣外前期設次受麥時至承史及侍
衛之官各服其服承史黑團領侍衛外辦
詣閣外左右通禮跪啓請中嚴少頃又啓外辦
殿下具翼善冠南衣龍袍以出左右通禮前導
至庭中版位南向立繖扇侍衛如常禮王世
孫具翼善冠衣龍袍隨後以出就侍座位西
向立藉田令奉案盛麥箱跪授耕藉西
使跪受以授近侍近侍跪受以授耕藉
左通禮跪啓請近侍跪受以授耕藉
近侍跪受以授耕藉
殿下與近侍跪受以授耕藉

國朝實錄卷之二十一

授籍田令耕田令畝于令畝受出而權置于閣外
 種籍田內後成于畝子詣太常奉藏左通禮
 進當座前俯伏跪以入承史以下退殿下
 還內王世孫隨後以入承史以下退殿下
 昌德宮薦于真殿○王妃行藏種禮
 一日尚寢帥其屬設殿下西座於便殿北壁少
 東王妃座於殿內北壁少西座於便殿北壁少
 二於殿外左右設少南王世孫於前庭道西王
 世孫拜位於道東少南王世孫於前庭道西王
 嬪位之後命婦拜位於其後並東上異位重
 行俱北向其日藏種時前其後並東上異位重
 服集到前二刻惠嬪具禮服守閨前引引入
 位王世孫具翼善冠袞龍袍典賓前引引入
 引命嬪入就位時至尚儀跪請中嚴少頃
 又啓外辦殿下具翼善冠袞龍袍典賓前引引
 以出陞座王妃具禮服尚宮前導
 爐烟升繼扇侍衛如常儀仗因傳教勿設
 司贊曰四拜典贊唱鞠躬四拜興平身凡典

贊之唱皆承司贊之辭後做此惠嬪王世孫
 王世孫團領下命婦鞠躬四拜興平身該房
 承請承傳色領承傳色書至問外奉麥箱俱諸閣
 外請承傳色領承傳色書至問外奉麥箱俱諸閣
 承以箱跪受傳耕承傳色耕藉使跪受以承傳
 承旨跪受傳耕承傳色耕藉使跪受以承傳
 于尚儀尚儀跪受傳耕承傳色耕藉使跪受以承傳
 座典贊唱跪受傳耕承傳色耕藉使跪受以承傳
 設案殿下跪受傳耕承傳色耕藉使跪受以承傳
 儀尚儀跪受傳耕承傳色耕藉使跪受以承傳
 宮跪啓請跪受傳耕承傳色耕藉使跪受以承傳
 尚叩跪受傳耕承傳色耕藉使跪受以承傳
 四拜典贊唱以下命婦鞠躬四拜興平身惠嬪王世孫
 王世孫贊唱以下命婦鞠躬四拜興平身惠嬪王世孫
 進當座前俯伏跪以入承史以下退殿下
 座王妃座前俯伏跪以入承史以下退殿下
 孫王世孫贊唱以下命婦鞠躬四拜興平身惠嬪王世孫
 以下命婦贊唱以下命婦鞠躬四拜興平身惠嬪王世孫
 堯舜當法祖宗今考丁亥實錄命禁公私田
 ○教曰舜典同律度量衡欲法

收租大斗重歛之弊前聖後聖其揆一也官
府大斗捧而小斗給市廛大斗買而小斗賣
令備局平市嚴加禁戢○上御德游堂親受
藉田所收黍粟仍召見守宰之辭陞者教曰
暮年赤子付之汝等須勵精也○上御崇政
殿講大學命大司成率儒生入侍講論語設
大學食堂於殿庭以一盘進御○上御崇政
殿月臺行者舊朝叅諸臣以年齒序立上
以乞言之義令一庭黃耆各陳所懷仍詣靈
壽閣與耆老諸臣講小學○命至日勿捧糴

著為令以閉關之義也○上為文以戒王世
孫其文曰噫憲書已出爾祖年已七十七矣
歲暮年亦暮及今不論更待何時予雖衰矣
知我孫則熟深沈之量分數之明爾愈於祖
然其猶有懼者以成湯之聖日新又新以文
王之聖日昃不遑聖人猶若此况其下乎貞
觀之治不克如初開元天寶判若二人其故
何哉利欲也莫云衆人蚩蚩物慾交蔽及其
昏也雖非衆人亦然馬援戒嚴敷之書范質
戒從子之言可謂千古格言馬援范質猶若

國朝寶鑑卷之二十一
此况三百年宗國惟予與汝孫依於祖祖依
於孫所望豈止於馬范噫誰不欲為聖為賢
其蔽則欲也孰能大居敬而貴窮理使私欲
退聽其德日明乎爾祖政令之是與不是俱
載日記其不是者滌之其是者從之深所望
於冲子者也噫舜之為聖不過取人為善書
曰好問則裕自用則小人何可自足自滿故
羲經之謙卦六爻皆吉周公之三吐三握亦
此意也爾祖雖涼德早知此義恒心若布衣
以此心上奉 東朝下接臣隣至于今此心

如一矣凡害於心害於政者有二焉一則驕
一則快也其流之弊甚於洪水猛獸此爾祖
夙宵所戒者也弟子職曰温恭自虛又曰小
心翼翼此政冲子所加勉處也大抵中人以
上恃其小才睥睨一世者多而不過量狹而
止帝王此弊可勝言哉吁嗟冲子銘體銘體
仍令芸閣刊印入于東宮藏之史庫○冬十
二月行司寒祭時冬暖無冰 上憂之特遣
儒臣行祭夜三鼓 上出資政殿席地俯伏
曰春秋譏無冰蜡享不遠冬暖異常憂懼不

遑寧也漏盡始還內及曉風威凜冽江冰盡合

庚寅四十六年春正月下綸音于八道兩都飭勸農蠶○上臨門恤四民教曰昔年澤水齋圖寫文王恤四民圖予嘗仰觀今當歲初講筵儒臣所陳賑恤二字有足興感昔周文聞呂尚之言不踰日而行焉况當新年乎其令京兆招來四民遂御興化門賜四民米有司言四民過多恐有冒受者上曰均吾赤子縱有冒受何傷之有乎是夜行夜對曰真西

山謂夜對勝晝訪真格言也命諸道薦聞孝行表著者○教曰金昌翁固窮讀書志在山林李秉泰廉潔剛直饑餓而終並命致祭以示予暮年表獎之意○二月武科出身親年七十者除赴防與納米一戶三四人軍役者減一人著為式○上與王世孫講中庸於光明殿上問天命之義世孫對曰天之化生萬物氣以成形理亦賦焉若行其命令者然也上復問修道之義對曰性則聖凡雖同而氣稟則有過不及之差故修道然後可以

復其性也 上復問品節之義對曰尊尊親親皆所謂品節也 上大喜仍御製詩命和之世孫即席賡進 上益奇之賞春桂坊有差○夏五月文獻備考成國朝典章之書有原續五禮儀原續經國大典輿地勝覽東國地理志樂學軌範等書然門戶殊科詳略互掩尚未有一部會通之書故老師宿儒莫知其沿革六官庶職皆憑胥史傳說轉輾訛謬漸失其舊至是 上命設編輯廳差十堂上九郎廳博採國朝公私紀實之書倣馬端臨

文獻通考而稍改其規模書垂成又使時原任大臣相與攷正名曰東國文獻備考門凡十三曰象緯曰輿地曰禮曰樂曰兵曰刑曰田賦曰財用曰戶口曰市糴曰選舉曰學校曰職官共一百卷自是國有事考據多賴是書○頒測雨器 上覽 世宗朝測雨器之制命度支製置兩闕雲觀且分送兩都八道每兩澤以尺寸報因編象緯考而有是命也○命州府郡縣學校一依大學例並祀宋朝六賢於殿內因編學校考而有是命也○命

永除捕廳之亂杖刑因編刑考而有是命也
○閏月客星見 上夜召編輯臣及雲觀司
曆講究消弭之策每夕躬測候月臺曰願毋
移於民國如是者三日客星乃消○太僕寺
啓言濟州前判官進貢馬三四俱劣且瘦請
令拿慶教曰馬不食穀禮記所載民饑若是
馬瘦何論特為勿問今年貢馬停止○先是
議政府為府屬廩料放債於市民收其息以
充其費至是 上因詢問貢市人疾苦而聞
之教曰堂堂千乘之國政府為府屬廩料與

民爭利乎命焚其券○秋七月 上率王世
孫幸弘文館講學宣饌 上謂世孫曰古人
云舜何人予何人人之不能為舜何也對曰
凡人立志不固故未能也 上曰非知之難
行之為難諸臣皆聽爾所對須體今日之言
立志必固也仍謂入侍儒臣曰他日善輔冲
子無負今日之意也○冬十一月濟州饑命
給羅里舖米五千石三名日方物限明年停
封朔膳亦減半○蠲八道兩都舊逋四萬石
貢人遺在米二千石特旨也

辛卯四十七年春正月命祈穀祭雖非親享散齋二日致齋一日以為式○夏四月王世孫手寫上疏曰大德鬼蕩寶齡彌高頌騰岡陵慶溢區宇凡今日臣庶孰不歡欣蹈舞况在臣心思所以飾喜揚慶之道者固無窮已而聖志切於撝謙臣心出於承順因循泯默以至於今居常抑鬱不知所出今因夏禴肆儀之親臨小子亦得以侍坐躬覩半日法樂迭奏鐘鼓之聲管籥之音洋洋盈耳恍若兩年侍宴之日臣於是益切觀感之思不覺

衷情之激平日所欲陳之誠今又油然不能禁獻壽稱觴雖不得如禮舉行養老之宴即禮典所載亦先朝已行之禮殿下倘或念及於此不待臣言之畢而有所下諒伏乞亟命有司特行養老之宴以慰小子之心以副臣民之望焉上答曰爾常沈默予已知矣閔子之稱予亦期爾稱以養老自然稱觴於爾祖故有此請意亦深也國初養老宴此五禮儀所載三百年故事亦繼述之道而但一快字一足字即爾祖深戒鐘鼓之聲管籥

臣事錄卷之二十一
之音臨殿動駕其猶強聞况宴乎遂不許○
教曰黃口猶有其人白骨徵於何地設令一
縣一口以三百六十州言之是徵布於三百
六十既骨之人感傷和氣孰大於此今者此
教備局頒布於八道兩都以飭之○五月旱
上以六事責躬命減饌既得雨禮曹請復膳
上曰諸道均霑未可知也不許○以長淵府
使兼營將管轄長山南諸邑鎮長山串水路
絕險山南邑鎮水軍過長山赴操於山北水
營往往有摧檣滄沒至是大臣以為言遂命

長淵府使兼水軍營將分操長山以南五邑
三鎮水軍俾除過長山合操之弊○秋八月
立碑于淨業院在興仁門外燕尾汀洞
端宗王后宋氏遜位後所住舊基也至是特
命建閣親書淨業院舊基五字碑之又親書
東望峯三字命鑄院之對峯石上峯即 后
登臨望寧越之處也○冬十月建肇慶廟於
全州初七道儒生李得履等上疏請建國朝
始祖司空祠 上命宗伯就大臣議議不一
復召問廷臣廷臣皆莫能對 上曰禮緣人

國朝實錄卷之二十一
情今朝鮮士大夫猶且尊敬始祖而飾其禮况國之始祖乎高句麗新羅亦皆有始祖廟禮固有因俗義起者也於是遣有司建廟於全州慶基殿北命世孫題祠版稱先公奉于資政殿日具衮冕展拜命大臣宗伯奉至廟安之祭禮與廟官一依慶基殿例蜀湖南十一邑結錢選武布及舊逋京畿湖西輦過邑視此○十一月命設申聞鼓於建明門外國初設申聞鼓使民抱冤者擊鼓而登聞其法廢已久矣上因語及寶鑑遂命復舊如

有鳴鼓者兵曹啓請下該曹推問定為式

壬辰四十八年春正月下綸音于八道兩都飭勸農○上御集慶堂召見大學儒生教曰昔唐陽城為國子司業有諭諸生者况為其君以孝勸諸生乎今當歲初親倚閭而子望鄉其若請覲者即為許施事分付大學○命賜祭于義僧靈圭及七百義塚即壬辰殉節於錦山者也○二月上受政府進饌於德游堂王世孫進爵降階呼嵩時原任大臣卿宰如其禮樞府摠府者社厨院以次進饌五

日而遍遵國初故事也命京外士庶親年七
十八十者特賜宴需壽其親○冬十一月
上御景賢堂 王世孫侍焉 上召時原任
大臣九卿三司以 顯宗大王守成毓慶當
奉世室之意下詢僉曰可 王世孫進曰
殿下將追上徽號於 崇陵臣亦敢請於
殿下蓋以明年聖壽八旬也羣臣繼而迭請
上許之於是上 顯宗大王徽號曰昭休衍
慶敦德綏成明聖王后曰禧仁 上尊號曰
大成廣運開泰基永貞聖王后曰恭翼中宮

殿曰睿順 上與世孫詣太廟命世孫行奉
審禮上冊寶禮 上祗迎四拜還宮明日
世孫又上冊寶於 上與中宮殿 上御崇
政殿親製頒赦文宣降曰猗歟 聖祖瀋館
開業繼繼繩繩於千萬億粵在兩年雖奉世
室嗚呼未遑尚今耿結 陟降指導情禮允
合豈待羣請近者大覺今年何年值昔入學
前後壬辰恍然如昨事豈偶然追慕深切光
先最重何敢謙抑諸臣曰慶予則不憚親製
意在豈拘四六本年十一月十八日奉上尊

國朝寶鑑卷之六十一
十四
號於太廟第十室仍定世室回坐于殿依壬
申例受冊寶以表榮先之意自昧爽以前雜
犯以下并宥百官各加一資依例以施嗚呼
三朝光輝少伸微忱八方同吉懸覃千億親
製諭示想宜知悉 王世孫率百官致詞進
箋稱賀

癸巳四十九年春正月 上御崇政殿 王世
孫率百官賀以 聖壽八十即位五十年也
上感 先朝癸巳正月初十日受賀故事以
是日受之召見八十歲以上耆老五十八人

於興化門賜衣資食物有差○命寫御真以
先朝寫御真於是年而起感也既成揭初本
正本二幀於資政殿西壁召都監堂郎宣饌
王世孫進酌呼嵩殿上諸臣一齊呼嵩 上
笑曰世孫之所作為也仍問初正二本孰勝
皆對曰初本勝命初本奉安於毓祥宮正本
奉安於泰寧殿 上親製詩曰昔今予懷誠
千萬八十圖像意繼述 王世孫即席賡進
曰八旬影幀光垂萬癸巳重回又善述○閏
三月 上御崇政殿行進宴越三日復御金

商門行養老宴初 王世孫上疏曰我 聖
上五紀垂拱一心勤勵治成制定化洽教覃
漢唐之所未有三代之所罕聞可與唐堯虞
舜匹美並休惟皇天惟 祖宗眷佑陰隲乃
有大德必得之壽則一番庭賀豈可謂小伸
微忱乎詩之行葦曰肆筵設席或歌或嘏天
保曰如岡如陵萬壽無疆有慶必有讌哲辟
明王之所嘗行者而况邁三之德躋八之籌
泰階壽域未足以形容則行葦之讌天保之
頌其可虛徐乎愛日之誠何年不然而今年

尤切祝聖之忱何時不切而此時尤懇則其
欲斟北斗而獻南山者揆以人情天理自不
得不爾且今景貺潛周壽耀遍照上自朝廷
下至閭巷家黃髮而戶鮒背箕疇歛福之化
於是乎章章及老之訓鄒書有之善養之政
周文行之養老之宴亦載於五禮儀伏望體
兩聖之意行國朝之典法宴之後更為消日
讌我耆老同我太平以飾昭代之盛舉焉
上以難拒其誠即允所請為答尋下教進宴
麥秋後擇日 王世孫復上疏略曰吉日斯

涓儀節將舉乃有此退定之教臣雖蒙昧亦
知我 聖上追慕之孝若將不及而聖人置
閏但平歲功禮亦不以閏計則 殿下今日
之引喻豈不過中乎閏月隔四五十日臣尚
以為遠况麥秋乎衷情耿耿短疏冒陳乞寢
俄下傳教以副小子至懇 上答曰既許矣
何云早晚今者爾章若甲辰予在銅闈時因
慈教陳章者五十年前後相符體 慈聖意
飲涕勉從至是行兩宴如儀方養老宴時
上執世孫手命書耆耋宴會歌六句曰此效

漢高之大風歌也 世孫即席廣進極歡而
罷命蠲八道兩都舊糴及貢入舊逋市民徭
役○夏六月石築開川先是濬川病兩岸為
潦壞缺闕于川乃植楊柳以防之然猶不能
堅完至是 上命以石堤之牢固精緻儼成
王居之體勢功既竣 上與王世孫臨廣通
橋顧謂世孫曰有志者事竟成凡欲有為當
先立志勉之哉○冬十月 上與王世孫幸
慶運宮以 宣廟自龍灣還御是宮之年月
日也 上御即阼堂受百官賀政府六曹進

國朝實錄卷之六十一
饌遂讌羣臣 宣祖外裔及扈聖靖社功臣
之後咸與焉 上乃作歌曰惟我東國重熙
累洽繼繼承承於千萬億癸年三逢是豈夢
憶否才涼德臨深履薄冥然八旬今逢此日
咸曰為慶予自嗚咽是豈予為 兩朝盛德
偶然今世有此繼述今者此舉豈敢怠忽意
則深焉亦何敢抑既諭其文弁首豈闕坐而
呼寫戒康萬百 王世孫賡歌曰猗歎那歎
聖化之洽自天降祉太平伊億 皇祖休烈
是承是憶爰瞻故宫時運迴薄十月之冬已

丑維日龍旂戾止慈珩克咽永言孝思率由
大德載賀載讌允矣善述 王曰嗚呼汝其
毋忽大哉 王言戒康戒抑景星卿雲垂耀
魏闕禎祥攸集時萬時百○十一月癸亥冬
至 上御資政殿受百官賀 王世孫請之
也手書上疏曰五禮儀所載至日賀乃所以
祝慶也志喜也 殿下受皇天陟降之篤棐
可慶可賀之事史不勝書臣以為令節呼嵩
何節不然而節尤重以我 聖上五紀太
平又當望九之亞歲故也且近日筵席屢示

自來月不舉樂之意若或有命則大小臣僚
必當力請及汗而亦難以飾喜之請徑先仰
聒及是時舉綍儀斷不可已也 上答曰句
句誠心字字悃悃心非木石豈不感動當於
資政殿受賀副爾心爾須勗哉朝鮮萬億鞏
固之業焉遂命即日陳賀

甲午五十年春正月下綸音于八道兩都飭勸
農○上御勤政殿舊基設行登俊試遵國初
故事也○二月 上御集慶堂 王世孫率
百官進箋稱賀以 聖壽望九患候平復也

○命王世孫攝祭於儲慶宮教曰此禮百年
後初也自是凡大小享祀皆命王世孫攝行
○三月革罷婢貢之法先是 上以為我國
奴婢之法初自箕聖然箕聖特設此以禁竊
盜而已初非使之世世子孫長為奴婢也又
况租庸調之法男有役而女無役今奴婢并
役甚無謂也三十一年命減奴貢一疋婢貢
半疋至是命婢貢勿論寺驛公私賤悉革之
其所需經用以糴代充○上與王世孫幸玉
署春坊同講聖學輯要仍宣饌于侍講諸臣

○夏五月旱 上遣官禱雨遂以十事自責
求直言釋輕囚天乃雨○秋九月 上御崇
政殿 王世孫率百官陳賀初 王世孫上
疏曰今年之慶即我東不再有之慶也寶齡
之望九旬始於今年盛事之回舊甲在於今
年勿藥之有喜慶疊於今年光御之滿五紀
屆於今年舟梁禮成至于今又十有六年而
况誕彌之辰在於今月乎有此五大慶而一
未伸蹈舞之輿情乍請旋止居然到今此固
臣誠孝淺薄之致而鬱結之忱豈敢食息少

弛何幸宸心誕感縟儀洎吉臣歡欣抃祝屈
指以待伏見傳教下者有賀儀退定進饌還
寢之命臣於是驚惶抑塞罔知攸措從前一
賀一宴莫非出於仰謝繼述之聖意况今省
約之儀節草草未備何嘗一毫近似於豐亨
豫大之舉而已成之命何為而復反也日昨
備忘既有十二日告由之教則於昭 陟降
想必俯鑑於洋洋之中以 聖上視無形聽
無聲之孝思應不待臣言之畢而幡然仰體
矣誠深愛日懇切籲天言不知裁惶悚惶悚

國朝寶鑑卷之六十七
世孫以疏函授春坊官呈于政院仍下階俟批上召見春坊官聞其由笑曰心雖金石豈不感動仍命告由陳賀頒赦如初下教至是受賀如儀命減諸道糶十分之一撤九營繕蠲貢市人舊逋及徭役士庶年八十以上加資尋與世孫幸彰義宮召見耆社諸臣及洞民之年八十者賜帛有差

國朝寶鑑卷之六十七

國朝寶鑑卷之六十八

英宗朝十二

乙未五十一年春正月命王世孫展拜璿源殿還宮後率百官陳賀于集慶堂○下綸音于八道兩都飭勸農○教曰三陽開泰萬品咸新正王者體元行仁之時也今觀禮記太史報春命駕詣東郊迎春誠古先王意今雖無此禮臺臣所請農牛事可謂務本堤堰灌溉亦農政之大者其令申飭○江華留守以舊逋之徵捧無處狀聞待罪上教曰昔趙簡

子於晉陽曰保障哉况今暮年莫有保障之命獨不愧於趙簡子乎舊逋中難捧者一並蕩滅○夏四月 上與王世孫詣弘文館講小大學時 上視昏不能辨字故凡經筵必以 上所常誦之小大學為講書至是 上先誦小學 王世孫次講小學 上問世孫曰藹然四端隨感而見感之義何居對曰感孺子之入井則惻隱藹然而發舉仁一端餘可類推也 上曰灑掃應對至小治國平天下至大至小何以為本於至大也對曰由小

而至大事之宜也下學而上達學之序也 上復誦大學 王世孫復講大學 上問世孫曰本末終始何謂也對曰明德本也新民末也知止始也能得終也本與始為先末與終為後 上命世孫發問於春坊 世孫問曰物何以云本末事何以云終始於物何以先本後末於事何以先終後始上番柳義養對曰物有形故曰本末事運用故曰終始而始終云爾則有止於終之嫌所以謂之終始終始者終而復始也 上復命春坊發問於

國朝寶鑑卷之六十八
世孫義養問曰明德屬之心乎屬之性乎
世孫曰言性則遺情言情則遺性先正栗谷
所謂本心之說無偏也 世孫又問下番趙
尚鎮曰明明德於天下者誰明之也尚鎮對
曰在上者明之使天下之人皆明之也 上
喜甚賞玉堂春坊有差明日玉堂春坊進箋
謝 上曰是宜志喜大學朝食堂到記儒生
試講於崇政殿○秋七月 上與王世孫詣
弘文館行會講禮 上誦大學 世孫講聖
學輯要講畢 世孫進爵呼嵩領事以下至

玉堂春坊諸臣以次進爵呼嵩 上親書祖
孫會講初秋升五八字命鑄揭本館○八月
上率王世孫御景福宮之慶會樓舊基台國
初創業功臣及戊申揚武功臣後孫中有官
職者特宣法醞○冬十月 上命王世孫行
大享于太廟○閏月 上命王世孫薦新柑
于璿源殿○十一月 上命以自省編警世
問答進講于東宮時 上春秋已大耋矣志
氣雖不衰血氣月異而日不同每與居必令
世孫扶坐必倚世孫故世孫未敢須臾離側

及冬 上侯益綿綴痰升降不已嘗命常參
令既具 世孫請止之 上曰是予夢語也
然既命矣不可不實其言也遂命左右扶以
出欲陞座氣昏還內語世孫曰欲令汝代聽
者久祀典攝行為之兆也且戒以自今夢語
汝可勿布亡何教曰今日陳賀百官入集慶
堂行禮時夜已五鼓中官直傳于政院左議
政洪麟漢必欲宣旨 世孫屢遣人謂麟漢
曰待天明痰降更稟而頒此教未晚也麟漢
終不聽竟夜趣百官會闕下都人莫不驚惑

詰朝 上聞之歎曰百姓皆謂予老荒之君
也於是上不稟世孫罪中官仍命行禮罷遣
百官自是 上益決代聽之志執世孫手語
之曰予欲傳禪於汝予衣紫臨汝汝衣紅事
予不亦樂乎然恐傷汝心思其次欲令汝代
聽而代聽必稟大朝反益煩撓予欲因代聽
盡付國事於汝也至是 上卧集慶堂台時
原任大臣教曰予氣日益蕭無以酬應萬幾
念及國事夜不能寐昔我 皇兄有左右可
乎世弟可乎之教今之時比 皇兄時尤百

倍予欲以二字位即禪也下教而恐傷冲子心姑
 且泯默至於聽政自有國朝故事且可使冲
 子明習國事如老論少論所當知也吏判兵
 判所當知也麟漢挺身對曰 東宮不必知
 吏判兵判不必知老論少論尤不必知朝事
 上嘘唏叩闕曰卿等誠慨然矣予今痰升謔
 語發輒亟或半夜出寸紙召卿等而予不辨
 領左相之為何人則將置國事於何地耶然
 不足與卿等論此事無寧使我心法授之我
 孫也遂下自省編警世問答于春坊命東宮

召對進講初麟漢自以 世孫外黨意望不
 淺然 世孫常鄙其為人貪暴無知識未嘗
 假以色辭麟漢由是怏怏怨望而和緩主所
 後子鄭厚謙妖邪傾險與其母伺 上語默
 假托以張威福麟漢遂附厚謙母子表裏糾
 結相倚以為聲勢以 世孫英明恐他日罪
 將不測與洪趾海尹養厚等結為死黨日夜
 造蜚語謀傾儲位及聞代聽之教驚惶恐慙
 百計沮戲如此○命巡監軍入東宮點下吏
 兵批稟而後入東宮點下 上將行常參倚

世孫坐臚唱未畢還卧枕上曰予氣可知大
臣尚可爭乎仍命諸大臣進前縷縷下教洪
麟漢挺身力爭旋請退出 上曰將下傳教
卿等勿退仍命承旨書曰不緊公事入于東
宮稍待數日當有加於此之下教麟漢揮手
止之使不得書曰孰敢書此教乎 上怒叱
曰卿等速退及退遂下巡監軍點下之教麟
漢復倡諸大臣求對請寢成命 上曰予近
者視昏不能點政望中官代為之付標萬一
中官顛倒予命予何能覺乎無寧付諸我孫

之為當然也領議政韓翼暮曰 聖明在上
此輩何敢乃爾且今 聖侯益勝於前日事
無遺漏不足為憂也 上復噓唏曰將使我
孫代勞於內也麟漢曰自內為之者臣等不
必爭執也是夕 上命中官以大寶及啓字
送于東宮 世孫涕泣固辭曰寶啓豈朝臣
國人所不知而授受者乎遂草疏曰臣雖不
肖豈不知仰體我 聖上至誠惻怛之意而
第有所萬萬不安者誠如兩大臣筵奏臣年
尚淺則朝事不必知也 聖侯益勝則左右

不足憂也此為臣尤不敢承當者也令宮僚繕寫未畢中官來告 聖候復劇 世孫蒼黃入侍及少間謂世孫曰予氣汝所知也難與彼大臣爭故為是不得已之舉予於汝雖內授後世豈有非之者乎不過曰罪在時相也雖然予當昭汝志也遂下教于政院曰冲子若陳章當下二字之教由是 世孫不得陳章○十二月自前月代聽下教之後至是旬有餘日代聽事上下相持尚未頒布人情洶洶邪說橫流前參判徐命善上疏曰惟我

聖上臨御五十載勤勞如一日機務之煩有妨頤養繼 先朝之故事有今日之下教其至誠惻怛有足以感神明孚豚魚而伏聞前月二十日入侍時左議政洪麟漢敢以東宮不必知之說肆然陳達謂儲君不能則當作何如人也其無嚴放肆極矣常參時前領相韓翼暮左右無足憂之說又何為而妄發也身居首相之位質言闡豎之事古之大臣亦有是否至於伊日所奏自內為之臣不爭執之說尤萬萬驚駭今此 聖教在國家為何

許大事而秘之於宮闈之內行之於深嚴之中萬姓不得知八方不得聞則其可曰國有人乎嗚呼 殿下今日之舉明正磊犖卓越千古誠心懇惻之旨藹然辭教之間而噫彼職忝具僚者看作虛文假飾專以彌縫為事使 殿下之苦心至德黜而不章豈不痛哉諸葛亮之言曰宮中府中俱為一體小事猶然况此莫重莫大之事乎國事如此大臣又如此而無敢言之人臣不勝痛哭太息手自封章乞降明命亟正大臣之罪疏入 上召

命善入侍使讀其疏至東宮不必知之語上曰曩予聞此奏亦以為如何也命善曰為臣子而敢出此言乎 上復問自內為之臣不爭執云者誰之言也對曰麟漢也 上遂命大臣臺諫入侍領中樞府事金相福曰其時筵奏臣未之聞徐命善必有所從聞也上以問命善命善對曰臣聞宮官言東宮欲以此陳疏未及上徹云矣 上命入東宮疏讀奏 上曰果有此語大司憲宋瑩中曰不必知云者似指色目言也 上問命善疏是

耶非耶瑩中曰深文也相福對模糊於是
上褒命善以斷斷血忠乃教曰此人予知熟
矣今番此舉滿腔血忱百人媿媿大臣依違
慷慨挺身能思乃父乃兄此正孝於家忠於
國故判書可謂有子暮年其亦得臣昔朱溪
君深源彈一任士洪名登續三綱末編此等
之人雖生旌門猶非過也豈可一例加而止
徐命善特授都摠管使苟且依違世界咸知
其忠祭文製下代生旌閭遣承宣致祭於故
判書徐宗王以示末世聳百人之意故判書

其靈若有知必飲涕北望謝也復命前領相
韓翼暮左議政洪麟漢領府事金相福大司
憲宋瑩中並施刊版之典○上命王世孫代
聽庶政初 上命狀聞稟請者入于東宮
世孫再上䟽辭不許及三䟽乃教曰凡事名
正然後言順聽政光明正大前例班班該曹
知悉仍答世孫䟽曰於今名正言順東國再
安冲子寔體 列朝聖德嗚呼祖孫相依將
見臨堂受朝祭之舉於予萬幸於爾可謂榮
親詳察庶務莫敢少忽扶我三百年宗國遂

召大臣禮官親製宗廟社稷告由祭文命頒

赦中外設科取士如例復命自政府依丁酉

故事撰進節目聽政節目

慶所以景賢堂為之常行一時引事一聽政節目

代之本朝前矣以此舉一初聽政時坐向依歷

為之常參無事時向間為聽政時坐向依歷

一臣備局堂上入對時及春坊外引接時承旨

直人隨入記事一宗親及春坊外引接時承旨

下拜庭下王世孫不親答文武羣臣一秋以當

別師傳一堂拜先王世孫不親答文武羣臣一秋以當

庭下書筵時依舊例行一宗廟社稷時凡陵

園殿宮祭享王世孫皆行一宗廟社稷時凡陵

事一依親祭王世孫皆行一宗廟社稷時凡陵

書之一用人刑人用兵三件事並依古例兩

抄宿衛外軍兵上番禁府刑曹大辟處決外

並為入啓一代軍兵上番禁府刑曹大辟處決外

聞各司不記入直為東宮而凡係外中事

之下事係重命行一難裁入啓其係外中事

政日王世孫命行一難裁入啓其係外中事

行本院舉命行一難裁入啓其係外中事

準啓辭稱上達辭狀啓書稱百狀達啓本稱上本啓

日稱申目達辭狀啓書稱百狀達啓本稱上本啓

拆稱世孫官開折謹啓稱百狀達啓本稱上本啓

伏候教旨稱官開折謹啓稱百狀達啓本稱上本啓

徽裁疏割末端規式仍舊例凡稟令書上稱申前開

應行之事一並書入有煩望抄錄凡稟令書上稱申前開

令牌用青牌一並書入有煩望抄錄凡稟令書上稱申前開

國朝實錄卷之六十一

時動樂方在直宿中依丁酉例停止一未盡
條件依長啣達則奉令依長啣廟墓祭則奉
教則奉教可長啣則奉令依長啣廟墓祭則奉
啓則奉教可長啣則奉令依長啣廟墓祭則奉
申如則有啓目何如無啓目何如短啣則奉
何如則有啓目何如無啓目何如短啣則奉
啓施行無申目何如無啓目何如短啣則奉
啓施行無申目何如無啓目何如短啣則奉
達辭兩啓則本稱何如無啓目何如短啣則奉
一伏候上裁稱伏候依啓則奉令依長啣廟墓
啣微拜則奉令長啣則奉令依長啣廟墓祭則
謹百裁則奉令長啣則奉令依長啣廟墓祭則
日依傳曰不言書則謹啣一再上疏稱上書則
知道稱今日不允道稱批答稱下或稱勿煩省
具悉書則覽書具悉承旨傳上則有答往論
品以下則無答曰一承旨傳上則有答往論
遣史官傳諭稱史官往諭中嚴稱承旨往論
辦稱外備諸司預備稱諸司預備中嚴稱承旨
微旨教書稱不許下答三大臣呈辭或敷論以前
允批答稱不許下答三大臣呈辭或敷論以前

論或安心調理一大臣及曾經守陵官崇品
宗或安心調理一大臣及曾經守陵官崇品
澆奠床備給傳稱令傳旨稱徽旨一兩通麗以
上則捧令如特旨及循例牌則罷職捧傳旨一兩
牌捧旨下令及循例牌則罷職捧傳旨一兩通麗
捧微旨下令及循例牌則罷職捧傳旨一兩通麗
令旨一藩閩狀聞中外事係兩銓政望及歲抄
者道軍兵歲抄三軍門習操單子各道習操
各道軍兵歲抄三軍門習操單子各道習操
取稟狀聞刑曹啓覆文案並為入啓一諸臣
入侍改稱入對大臣及節目入啓又教曰世
備堂引見改稱引大臣及節目入啓又教曰世
孫代理此莫大之孝也付托得人豈特世孫
受賀於予何辭其日景賢堂前其何循例設
軒懸事添儀註令其祖志喜焉尋又命聽政
朝參用法駕儀仗設水晶杖金斧鉞受賀時

國朝實錄卷之二十一
百官朝服行禮太廟展拜時自殿庭乘輿出城外隨輿軍兵僅令訓練禁衛御營陪從曰不重則不威如此然後人心定也於是王世孫上疏曰臣伏見備忘下者有聽政之命繼又伏見三疏之批丁寧懇惻有足以感豚魚而孚神明奉讀未半惶悚抑塞不覺感涕之被面也噫臣年幼而學淺識蔑而才踈忝叨儲位尚切兢業惟知繞膝之為歡舞綵之為樂而已雖尋常字句之間終未敢仰贊於至化之治者抑亦 聖明之所燭也又何為

而有此莫重之教也至於狀聞稟請之事猶不敢奉承再疏三疏不知止者誠以左右思量萬無承當之望而然矣况茲民國之重機務之繁遽以畀之不少留難何哉且伏念殿下於臣天也父也以慈覆之至仁何不諒小子焦迫之忱命之以非常之舉乎達夜耿耿齋心虔誠略暴衷悃仰瀆崇嚴伏願 聖上俯察微誠亟寢成命千萬幸甚 上答曰孫何困祖若此當諭大於此者○上御景賢堂受王世孫聽政賀親製志喜歌命樂師升

國朝寶鑑卷之二十八
階歌之又親製二句詩命王世孫與八侍諸
臣廣進又親製頒赦文曰五紀臨御加一年
問其年八十而且三每稱祖依於孫孫依於
祖於今軒懸特設於庭中冲子受朝於賢堂
邦國有百代之安吾民有萬世之慶嗟哉冲
子能知為祖之孝今者邦慶漢唐豈有主鬯
得人朝鮮庶幾親製其文先告廟社猗歟冲
子先陞堂而朝參几杖其祖強陞座而受賀
今日此禮予何辭焉嗟哉慶雲將凝於堂前
萬民咸喜於國中宣畢 王世孫率百官四

拜呼嵩陞堂侍坐 上命蠲貢市人舊逋及
徭役賜四民米既卒事 王世孫坐堂行聽
政朝參受百官賀訖 上復御堂王世孫侍
坐進饌 上曰今日事可謂曠絕千古不可
無飾喜之道遂命行九爵禮 王世孫進爵
獻壽樂作 上撤御卓花使諸臣簪之顧世
孫甚樂諸臣皆呼千歲○王世孫謁太廟仍
詣昌德宮拜璿源殿○上御集慶堂行進宴
王世孫請之也○竄沈翔雲于絕島翔雲本
師淳所後子一鎮之子而師淳又以益昌之

孫為後於廷輔者也益昌嘗為逆宦朴尚儉
塾師當辛丑時與金一鏡尹就商日夜聚會
於尚儉家與聞交通官禁事及尚儉謀逆事
覺詞連益昌累拷掠得釋禁錮以死翔雲之
弟翼雲登第坐益昌久不調翔雲患之以其
既死之父一鎮罷所後於廷輔而直以一鎮
之父繼廷輔凡兩世再易其父於是清議益
唾鄙之翔雲遂諂附厚謙曲事唯謹至是厚
謙麟漢等見其事敗露與養厚募翔雲上書
小朝以陳戒為名巧設機關指斥官僚有溫

室樹之語蓋徐命善筮奏有曰 世孫以三
不必知之說欲陳章引義者聞之官僚云云
故翔雲將以宣洩內言文致官僚之罪案網
打東宮之羽翼以逞辛丑鳳輝之凶肚也
世孫察其狀歎曰事關忠逆非可以漫漶彌
縫也大臣以聞于 上上曰逆豎之孫敢爾
耶命拷掠荐棘于黑山島並其弟永為庶民
尋命竄配以下 小朝裁斷

丙申五十二年春正月朔 上御集慶堂 王
世孫率百官賀○下綸音于八道兩都蠲舊

國朝實錄卷之六十八
通十萬石貢市人徭役亦令裁減○追上
肅宗大王尊號曰配天合道啓休篤慶仁敬
王后曰惠聖仁顯王后曰莊純仁元王后曰
徽靖因請 上尊號而特教行之也又上
上尊號曰堯明舜哲乾健坤寧貞聖王后曰
仁徽中宮殿曰聖哲王世孫上疏請之也復
因特教進號於儲慶宮毓祥宮 王世孫上
冊寶陳賀如例○二月命王世孫詣 孝章
廟進冊印 上教曰今番邦慶為宗國萬世
計國之重事若安磐石然難測者世事於

章陵有引與獻王故事者其在正宗統之道
不若當此邦慶定萬世永固之意也此非議
謚者孝章稱孝章承統世子孝純稱孝純承
統世子嬪造給玉印竹冊而正宗統之意朔
祭兼告由頒示八方既正宗統孝章孝純忌
辰凡事皆依國忌例○王世孫上疏曰 殿
下之於臣即一天也頂踵毛髮莫非賜也覆
育生成莫非德也臣之生年二十五歲皆得
於造化涵囿之中者也臣感戴鴻私銘心鏤
骨惟以問寢視膳為區區報答之計矣不料

我 殿下不知臣不肖不克負荷乃以一日
萬機之繁舉以畀之其事則至嚴至重其責
則至艱至大顧臣愚魯豈有一分冒當之望
而瀝血控辭至再至三而不能得則分義所
迫黽勉承膺已數月于茲矣夙夜祇懼如集
于木迺者 聖上深軫宗統之重永為根本
之圖遂於上冊之餘特舉賜號之禮且榮且
感罔知收措雖隕結縻粉何足以仰酬其萬
一哉抑臣有私情之萬萬痛迫者今因事會
之發而危衷益激不能自抑欲言而聲先吞

欲書而涕先注嗚呼此 殿下之所不忍聞
小子之所不忍言而遂終泯默則是自阻於
仁覆之天而臣之情事永無可暴之日也茲
敢大聲疾呼泣血陳懇惟 殿下哀憐而垂
察焉噫壬午慶分即我 聖上為宗社不獲
已之舉也以大聖之心行達權之道環東土
大小臣民孰敢有異議於其間况臣之保全
殘喘得至今日者罔非 殿下之洪恩焉高
天厚地泰山深海未足以喻此感激則在臣
報效之道唯當信之如四時守之如金石至

臣事錄卷之六十一
於傳萬世而無弊也假使恠鬼不逞之徒敢
生希覬之心肆發追崇之論而臣乃為其慙
愚妄欲移易義理則是實為 殿下之罪人
非特為 殿下之罪人亦將為宗社之罪人
萬古之罪人皇天上帝臨之在上宗廟神靈
質之在傍臣焉敢誣也臣焉敢誣也至於喉
院日記盡載其時事實無人不知無人不見
見者傳之聞者議之流布一世塗人耳目臣
之私心哀痛殆窮人之無所歸也夫閭巷匹
庶之有情理悲切者則終身含痛如不欲生

臣雖愚頑亦有此一段不泯之心而今乃高
臨貳極儼對百僚豈不有痛于心豈不有泚
乎顙乎若以為臣之哀痛或有碍於 殿下
之處分云爾則此有不然者蓋 殿下之處
分即天理之公也臣之哀痛亦人情之極也
處分自處分哀痛自哀痛真所謂並行而不
悖兩存而無傷者也若又以為無日記則無
以徵信處分云爾則此亦有不然者夫國朝
典故俱在簡牒金匱石室藏之名山千秋萬
代移動不得又安用日記為也嗚呼日記之

存不存在 殿下處分之如何而臣之所以
自處者惟有遜避儲位沒身屏處只以一日
三時恭修起居之職而已言之及此不覺腸
摧而心裂籲天無從也伏乞 殿下悲之矜
之諒之察之亟收臣聽政之命仍去臣儲貳
之任以全終始慈覆之恩不勝大願 上乃
下教曰壬午日記承旨注書同詣彰義門外
遮日巖依實錄例洗草世孫陳章與傳教同
藏史庫明朝世孫奠酌垂恩墓又教曰爾今
出即撫軍回駕時雖畿伯參現 世孫詣垂

恩墓行禮如儀嗚咽不自勝左右亦莫不感
泣禮畢還宮 上謂都承旨徐浩修曰予憂
世孫之過哀致傷卿兼內局其往問世孫氣
候而回奏也及浩修馳到中路 世孫下馬
祇承謂浩修曰卿其先為回奏無貽 聖慮
也遂依 聖教兵曹判書徐命善以下皆以
軍禮參現○教曰予年二十一受諭書圖像
其諭書曰爾八朔侍側之勞其可忘乎嗚呼
侍湯子道當然尚有此莫大之恩况祖孫相
依世孫血忱即宗社三百年莫大之慶昔

獻陵授孝婦銀印於昭憲王后且賜孝婦圖今予追昔賜我孫號曰至孝世孫銀印竹冊令戶工曹設都監以造今日當親授使海東愚夫愚婦草木昆蟲咸知世孫至孝焉領議政金尚喆奏曰世孫錫號未有古例臣固不敢仰贊而以諭書表揚出天之睿孝誠有合於情禮也上即寢前命遂親製諭書王若曰嗚呼海東三百年朝鮮八十三歲君其依於二十五歲孫今日正宗統邦國有泰山磐石之安而且見陳章辭嚴意正可垂千

百世日記洗草寔循汝意且聞昨日墓上舉措聞者可以涕沾遵國初造寶印故事欲以至孝賜爾爾師領相忠言令予感動故雖寢其命豈可泯其迹於來後特以一孝字彰其心於今世表其事於來世雖海東草木昆蟲孰莫知也特為臨殿宣諭仍受其賀祖孫相依光明正大於今日也嗟哉我孫體汝祖意夙夜兢兢保我三百年宗社也夫予即昨五十二年八月十三示諭于二十五歲世孫仍命尚喆書進諭書明日上親書孝孫二字

國朝事蹟卷之六十一
命戶曹鑄銀印越三日 上御集慶堂以鼓
吹陪進諭書銀印命都承旨徐浩修奉傳于
王世孫世孫跪受四拜乃命此後世孫動駕
時以前導○三月 上疾大漸 王世孫
遣官遍禱于廟社山川乃顧命大寶傳于王
世孫以初五日卯時 上昇遐于慶熙宮之
集慶堂輿僮旄倪波奔闕下號呼兩泣士夫
婦女各哭其家聲震街巷絕域遐陬聞喪之
日男女老少皆為孺子慕越六日辛巳 王
世孫即位羣臣議 上德行功業上謚曰翼

文宣武熙敬顯孝廟號曰英宗是年七月二
十七日葬于元陵亥坐之原即健元陵西崗
也先是己亥 孝宗不諱大臣鄭太和金壽
興等奉 孝宗葬于此術者皆言壯麗明秀
如健元而反復勝也及癸丑遷陵時閔鼎重
躬封築戒役者曰善治之後必為國陵也甲
辰 上欲奉 景廟於此以異議中沮而未
果至是竟為 上陵 上嘗謂筵臣曰使予
得英字為廟號則足矣又嘗謂王世孫曰予
五十年治法政謨宜有一部寶鑑也其後皆

如上之志焉

國朝寶鑑卷之六十八

